

Fredis Refunjol a huramenta como Gobernador

ORANJESTAD (AAN): Informacion for di Den Haag, ta muestra cu na Palacio Noordeinde a tuma lugar Diabierna 7 di Mei huramentacion di sr. Fredis Refunjol como Gobernador di Aruba pa su Mahestad Reina Beatrix. Despues di e huramentacion a tene un Santo Sacrificio di Misa na Inglesia Santa Martha na Den Haag pa asina duna bendicion na e Gobernador nobo y su familia.

Presente na e misa tabata Gobernador sr. Fredis Refunjol y famia, Ministro Presidente di Antia sra. Myrna Louisa-Godett y esposo, Ministro Plenipotenciario di Antia ir Maurice Adriaens, Ministro Plenipotenciario di Aruba sra. Ella Tromp-Yarzagaray y famia, miembronan di Raad van State ir. Gilbert Wawoe y mr. Hans van der Griendt, director di Gabinete di Gobernador mr. J. Boersen, director di Cas di Antia sr. Robert Candelaria, director di Cas di Aruba sr. Shonno Maduro, studiemmentoren, personal di Cas di Aruba y hopi amigo di Aruba.

E misa tabata na encargo di Pader Goes, kende pa hopi tempo a sirbi na Misa Santa Theresita na San Nicolas. E coro Heavens Touch y bou direccion di e estudiante Arubano Joël Croes a duna e santo sacrificio di misa cu nan canto un toque espiritual y emocional. Maikito Croes a canta "Nos Tata" na un manera hopi bunita. Na final di e sacrificio a canta e himno di Aruba.

Despues di e Santo Sacrificio di Misa a tene un encuentro informal na Cas di Aruba unda por a felicita sr.



Fredis Refunjol y su famia cu e huramentacion como e di tres Gobernador pa Pais Aruba. Tambe presente tabata vice-presidente di Raad van State mr. H. Tjeenk Willink y tambe sr. John Leerdam, kiembro di Tweede Kamer pa PvdA. Ministro Plenipotenciario den un discurso cortico a

felicita Gobernador Refunjol y famia y tambe e pueblo Arubano cu nan Gobernador nobo y a desea Gobernador Refunjol tur clase di exito den ehecuion di su funcion nobo. Despues tur presente a brinda ariba e Gobernador nobo di Aruba.

Fotonan pa cortesía di Nico van der Ven.